



Bab : Aqeeda / Iman / Shirk

Fasl : Kufriyah / Shirkiyah Bate Aur Aamal

Sawal No : 284

Upload Date : 24-12-2024

## **Topic : Merry Christmas Kehne Ka Hukm**

**Sawal : Kya Musalman Ke Liye " Merry Christmas" Kehna Jaiz Hai ?**

**Jawab : Gair-Muslimo Ke Mazhabi ( Religion ) Festival Ke Mauqa Par Un Ko Mubarak-Bad Dene Ke Bare Me Sharai Hukm Ye Hai, Ke Ye Tehwar Mushrikana Aqqaid Par Mabni Hote Hai, Aur Musalman Hone Ki Hesiyaat Se Hamare Liye Shirk Se Bra'at Aur Be-Taulqi Ka Izhar Karna Zaruri Hai, Christmas Ki Mubarak-Bad Dena Goya Un Ke Nuktae-Nazar ( Point Of View ) Ki Taied Karna Hai, Is Liye Christmas Ki Mubarak Bad Dena Jaiz Nahi Hai.**

■ **Agar Is Se Un Ki Deen Ki Tazeem Maqsood Ho, To Kufar Ka Andesha Hai. Aur Christmas Ke Mauqa Par Sarahatan ( Vazeh Tor Par ) Koi Shirkiya Jumla Bol De, To Is Ke Shirk Hone Me To Koi Shak Nahi Hoga.**

■ **Agar Un Ke Deen Ki Tazeem Bhi Na Ho, Aur Koi Shirkiya Jumla Na Ho, Tab Bhi Christmas Ki Mubarak-Bad Dena Jaiz Nahi Hai.**

**( Khulasa - Az Online Fatawa Bnoriya - Fatwa Number : 144104200701 )**

**Note : Non Muslim Se Relationship Maintain Karne Ke Liye**

**Un Ke Festival's Me Un Ki Hidayat Ki Niyyat Se In Alfaaz Me Duaa Dene Ki Gunjaish Hogi. ( Allah Ap Ki Umar Me Barkat Ata Kare, Ap Ko Aur Ap Ke Ghar - Walo Khush Rakhe, Ap Ko Hamesha Sachhe Seedhe Raste Par Chalaye )**

**Note : Happy Diwali, Happy Holi Vagaira Alfaaz Ka Bhi Vahi Hukm Hai, Jo Meri Christmas Ka Hai. Fakt - Allah Ta'ala Sabse Zyada Janne Wale Hai.**

Ye Jawab Darul Ifta Wal Irshad, Shahpore, Surat Ki Official Website [www.suratifta.com](http://www.suratifta.com) Se Download Kiya Huwa Hai.



© Copyright 2023 DARUL IFTA WAL IRSHAD

Development By : IBNE ASIF GRAPHICS & DIGITAL PARTNER